



Bible Châng Thlan: *Deuteronomi 10:1.*

Thlûr Bing Tûrte: *Deuteronomi 10:1–19; Sâm 146:5–10; Matthaia 7:12; Jakoba 1:27–2:11.*

THEN 1-NA: ZIRLÂI TLÂNGPUI THLÎRNA

Pathianin lungphêk thar diâia a dân a rawn ziak ʒa leh hi khawngaihna a ngahzia leh, Israelte chung a dawhtheihna tilangtu a ni. Hmâsâng hunah kha chuan, thuthlung bawhchhiat a nihin thuthlung tharthawh leh nân inremna thu an ziak ʒa leh ʒhîn a. Chutiang deuh chuan Horeb-a thil zahpuiawm tak a thlen hnu khân Israel-te chu Pathian nêna thuthlung ʒa leh tûr leh, an laka Pathianin a phût thilte chu hlen chhuah ngei tiam thar leh tûrin Mosian a sâwm a ni. A chûnga Bible châng târ lante khian hmangaihna chungchâng an sawi hlawm a, chûngte chu LALPA hmangaihna te (thupêk pakhatna), Pathian hmangaihna leh ngaihdamna an chan avânga amah an hmangaih lêt vêna te, an thenawm khawvêngte an hmangaihna te, leh a bîk takin mikhualte chungah ʒatchhuahna (thupêk pahnihna) te a ni.

Zirlâi Thupuite:

- *Thuthlung thar chu.* Thuthlung chu chatuan atâna thlun ni tho mah se, thlun thar a ngâi ve fo (thinlung serh vun tan).
- *Thinlung serh vun tan.* Thinlung serh vun tan tih hi entîrna, tehkhin thu a ni a, Pathian thu ril tak puang chhuaktu a ni.

- *Mikhualte hmangaih.* I ðhenawm khawvêngte kha chu harsa ti vak lovin i hmangaih mai thei pawh a ni ang. Mahse, ram dang mite pawh i hmangaih em?

THEN 2-NA: ZIR ZÂUNA

Thuthlung Thar Chu

Chatuan thuthlung ni si, thlun thar ngâi ni tlat mai hi thil mak tak a ni. Han ngaihtuah mai chuan, chatuan thuthlung ni na nâ nâ, thlun thar ngâi tawh lo awm tak a ni. Hetianga thil inkâwlkalh tak a nihna aţanga zir lâi kan zir chhuah tâk hian, Pathian rinawmzia leh a mite rinawm loh sizia min hrilh a. “Thuthlung thar” tih a nih avângin dân thar a ni e tihna a ni chuang lo.

Dân thuhmun tho ni si kha lungphêk tharah ziah ðat leh a ni ta mai zâwk a ni. Thuthlung thara Pathianin a phût ni ta chu an rilru chhûng, an thinlunga dân seng luh a ni a. Lungphêka ziah ni ðhin dân kha mite thinlung chhûngah ziah ve tawh thung tûr a ni. Chuvângin, thuthlung thlun thar tih pawh hi thinlung tihthar tihna mai a ni a. Chutiang chu hmangaihna hmanga tih theih a ni bawk.

“Thuthlung thar” tih ðawngkam hman hmasa bertu Jeremia chuan heti hian a hrilh fiah a: “An thlahtute Aigupta ram aţanga hruai chhuak tûra an kut ka chelh nîa ka thuthlun ang kha ni lovin, an tân hotu ka ni chungin chu ka thuthlung chu an bawhchhia a, tih hi LALPA thu chhuak a ni: an chhûngrilahte ka thupêk ka dah ang a, kei hi an Pathian ka ni ang a, anni chu ka mite an ni ang” (*Jer. 31:32, 33*).

Thil ngaihnawm deuh mai chu, thuthlung bawhchhiat thu tho hi Jeremia bû-ah pawh hian kan hmu a. Jeremia ngei pawh hian, Mosia ang bawk khân ama lehkhabu hi a ziah ðat leh a ngâi ve tho (*Jer. 36:27, 28*). Chutiang chuan, tirkoh Paulan “thuthlung thar” (*2 Kor. 3:6*) a sawi hian, ani chuan thlarau lam thunthlung, “lungphêka ziaik ni lo, tisa thinlung phêka ziaik zâwk” niin a ngâi a ni (*2 Kor. 3:3*).

Sawi Ho Tûr leh Ngaihtuah Zui Tûrte: Eng tiangin nge Deuteronomi bu-a kan hmuh “thuthlung thar” hian Thuthlung Hlui leh Thuthlung Thar inlaichîn tawn dân kan hriat thiamna kawngah korî a tuk le? Eng vângin nge “thuthlung thar” hian dân pângngâi tho kha arawn sawi ve leh? Eng vângin nge a tîrah khân Pathianin an thinlungah ni lovin, lungphêkah zâwk a lo ziah phawt le?

Thinlung Serh Vun Tan

Pathianin Israel-te laka a phût chu an thinlung serh vun tan a ni a; mahse chu chu a ngialngana lâk chi a ni lo thung. Mosian hmûi vun tan loh thu a sawi hian (*Exod. 6:12, 30*) a sawi awmzia tak chu a hmûi khâr, a kê chîp a tihna a ni a, a sawi tum ang pawh nâl takin a sawi chhuak thei lo a tihna a ni bawk. Jeremian Israel miten beng lam serh tan loh an neih thu a sawi a, a sawi tum tak zâwk chu LALPA Thu an hre thei lo a tihna a ni (*Jer. 6:10*).

Serhtan hi thuthlung chhinchhiahna (*Gen. 17:10–13*) a nih avângin, thinlung serh vun tan tih hian chhông lam serh tanna a entîr a, Kristian piantharna sawina atân Paula chuan a hmang (*Rome 2:28, 29*). Hei hi Pathian chauhin a thlentîr theih a ni bawk (*Deut. 30:6*). Mosia hian tisa vun tan, tisa serhtan hi a hnualsuat rêng rêng lo tih erawh hria ila. Kanan ram an luh hmâ khân Israel mipa zawn zawn chuan thuthlung chhinchhiah nân serh an tan vek tûr a ni (*Josua 5:2*). Thinlung serh vun tan tih hian tisa serh vun tan tawh, thuthlung hnuai lo awm tawh sate a tinzâwn ber a. Khatia an tisa serh vun an tan tawh hnu kha chuan, thuthlung thlun tharna hi serh tan thar lehna, a hmâa mi nuai botu tûr ni lovin, thuthlung ngâi bawk rawn thlung nghet a, a dânte tichaktu tûr a ni zâwk.

Dân lehkha an dawng tawh a, tûnah chuan an thinlungah ziak tûrin sâwm an ni ta a ni. Chumi chuan thil dik lo tihna laka inthiar fihlîm tûra a phût bâkah, thil dik lo tih chu a châk pawh châk tawh lo hrim hrim tûrin a beisei bawk a; an nun pum pui

chu thil ʈa tihna atâna hmang tawh tûrin a fuih ta. Mahse, chutiang chu hmangaihna avâng chauha ti thei an ni dâwn thung a. Chuvâng chuan a nia, hemi china Pathianin a phût chu hmangaihnaa inngat thuthlung niin, chuta ʈang chuan a phût sâng telh telh bâkah, a hautak tulh tulh bawk dâwn rêng a ni.

Sawi Ho Tûr leh Ngaihtuah Zui Tûrte: Eng thilin nge hmangaihnaa inngat thuthlung hi dâna inngat thuthlung âia hlen chhuah awlsam zâwkah siam? Chutih rual chuan, rorêlna dik namnûl ʈak khawpa hmangaihna lam sawi uar hi engati nge a hlawmawmna awm ve tho bawk si? Eng tiangin nge ‘thinlung serh vun tan’ tih ʈawngkam hi luhlul tih nêh hian a inzawm?

Ram Dang Mite Hmangaih

Thil mak angreng tak chu, LALPA kan hmangaih leh hmangaih loh a lan chhuahna tûr chu ram dang mite kan hmangaih leh hmangaih loh dânah a lang dâwn nia a sawi hi a ni. Eng vângin nge Pathian hian Israel mite kha ram dang mite hmangaih tûrin a phût? A chhan pahnih a awm thei a:

Eng Vânga Hmangaih Tûr Nge An Nih?

- *A chhan chu Pathianin a hmangaih vâng a ni (Deut. 10:18).* Siamtu, lei leh vânte neitu (*Deut. 10:14*) chu kan ring a nih chuan ram dang mite hmangaih loh hi thil tih theih a ni lo. Hetah hian thil pahnih kan hriat tûr a awm a. Pakhat chu, ram dang mite pawh hi Pathianin ama anpui (*imago Dei*) ngeia a siamte ve tho an ni. Pakhat dang pawh hi hemi aʈang chher chhuah tho hi niin, Pathian chhiahlawhte chuan amah Pathian nungchang ang (*imitatio Dei*) neih ve an tum tûr a ni.
- *Israel-te pawh hi ram dang mi an lo ni ve tawh ʈhin avângin (Deut. 10:19).* Hei hi “nangmah i inhmangaih ang bawkin i ʈhenkhawm khawvêngte pawh i hmangaih vê tûr a ni” (*Lev. 19:18*) tiha inngat a ni.

- *Pathian tâwk tûra an inbuatsaih theihna tûrin.* Pathian hi ram dang mite Pathian pawh a ni ve tho a (*Deut. 10:17*). Mi Thianghlima, keini mihringte lak ata hrang leh danglam daih a ni. Pathian hmangaih theih dân tûr zir chhuah theihna kawng ̣a ber chu keimahni ang ni ve lo ram dang mite hmangaih a ni.
- *Mi dangte nêna inhmua tûra inbuatsaih theihna tûrin.* Israel-te pawh hi b̄wih lo ni ve reng tawh ̣h̄n an ni a; chuv̄ngin mi dangte chu anmahnin an huat êm êm b̄wih chhawrtu nunr̄wng tak ang ringawt ni lovin, an kawm tl̄ngnêl theih leh an hmangaih theih an “̣thenawm khawv̄ngte” ang pawhin en thiam dân an zir a nḡi.
- *Ram dang mi an nihna anga anmahni thlenna tûr an hriat theih n̄n.* Israel mite hi tûn hm̄a chuan thlalêra v̄k v̄i mai mai an lo ni ve tawh ̣h̄n a; chuv̄ng chuan nun dân thianghlim zawh dân b̄kah, anmahni thianghlimna tibawrh̄b̄ng si lova dang dang mite nêna chên ho dân pawh an zir a ̣l a. Chutiang chiah chuan, Abrahama te, Josefa te, Daniela te pawh kh̄n thianghlim tak leh mi dangte hmangaih tûra mawhphurhna an neih kha an kal kawpt̄r thiam a nḡi a ni.

Sawi Ho Tûr leh Ngaihtuah Zui Tûrte: Eng tiangin nge Pathian anpui nihna hian ram dang mite hmangaih ve pawimawhna hre thei tûrin min puih a, eng tiangin nge ̣anpui thei tûrin min puih bawk? Eng v̄ngin nge ram dang mite chung a hmangaihna kan lant̄rna hian hmangaihna a tichaka a tihhausak sawt ̣hin? Eng v̄ng nge kan rin ang ring ve lo kohhran p̄wl dangte leh sakhaw dang betute nêna chên ho hian kan rinna a tichak sawt theih?

Pa Nei Lote leh Hmeith̄ite Hmangaih

Deuteronomi bu-a kan hmuh thuthlung inremna dân hian “hmangaihna” awmzia a hrilh fiah a ni lo va, chutih rual erawh chuan hmangaihna hi Pathian ze pui pakhat a ni tih erawh Chiang

takin a sawi thung. Pathian hnathawh avâng chauhin Israel-te khân hmangaihna dân hi hre thiamin an zâwm thei a. Chutih rual chuan, hmangaihna chu pa nei lote leh hmeithâite thlavâng hauha Pathian rorêlna a ni tih thu erawh a sawi tho bawk (*Deut. 10:18; 24:17–22*).

Sawi Ho Tûr leh Ngaihtuah Zui Tûrte: Eng vângin nge pa nei lote leh hmeithâite hmangaih tûra phûtna leh, ram dang mite hmangaih tûra phûtna hi thil inzawm tlat a nih? Ram dang mite, hmeithâite leh fahrahte hian eng nge inan tlânna an neih?

THEN 3-NA: NUNA BEL TÛR

Victor Hugo-a lehkhabu ziah, *Les Misérables*-ah chuan rûkru pakhat, Jean Valjean-a chanchin kan hmu a. Chu pa chuan a thlen in pa-in a tangka lo rûk tawh a neihtîr chiah khân ngaihdamna leh khawngaihna hlutzia a lo hre thiam ta a; ngaihdamna chang lo se chuan jail-ah dah a ni ngei ang. A hnuaia târ lan hi ngun takin ngaihtuah ula, tichuan in sawi ho dâwn nia:

- In kohhranah elder emaw, pastor emaw i ni a. In kohhran member tleirâwl pakhat chuan pasal nei lovin nau a lo pâi ta hlauh mai. Kum eng emaw ti hnu-ah chuan a fa pâina tlangvâl nêh i hnênah an rawn kal dîn a, kohhran dân anga an inneih theih dân kawng zawnpui tûrin an rawn ngên che a (an pahnih hian Adventist ve ve an ni a). Engtin nge i lo tih ang?
- Politics-a i âwn lam kha eng vânga âwn nge i nih? Political party i tante kha ram leh hnam tâna tha ber tûr nia i hriat avânga tan nge i nih a, nangma mi mal hlâwkna tûr a nih vâng zâwk? Nge ni a, khawtlângah rorêlna dik thlen theitu tûr nia i rin vâng leh, mi reithe, fahrah leh hmeithâite hmâkhaw ngâitu ber nia i hriat vâng zâwk?
- Zu rûi kutdawh pakhat hian pawisa a dîl che a, a dîl chhan che pawh a rilâm êm vâng niin, ni eng emaw zât chhûng chu

chaw mumal a ei tawh lo va. Engtin nge a ngenna che chu i lo chhân ang, i pawisa pêk chu zui lei nân a hmang leh tho dâwn nge dâwn lo tih i hre bawk si lo va?

- In kohhrana member pakhat chuan a ngaina lêm lo che tih a sawi a, mahse, Pathianin nangmah hmangaih tûra a hrilh vâng chauha ngainat luih a tum che tih a sawi a. Engtin nge i lo dawnsawn ang?